



BOSNA I HERCEGOVINA
PRIVREDNA KOMORA KANTONA SARAJEVO

Broj:07/RM/11-88
Sarajevo, 12.07.2007. godine

**Na Svjetskom takmičenju komora Privredna komora Kantona Sarajevo
osvojila prvo mjesto u kategoriji «najbolji projekat zemalja u razvoju»**

Peti kongres svjetskih komora (5th World Chambers Congress) održan je u Istanbulu od 4 do 6 jula 2007. god. Na Kongresu je prisustvovalo više od 1600 učesnika, iz preko 120 zemalja svijeta.

U okviru Kongresa održano je i «Svjetsko takmičenje komora». Ovo je jedinstveno globalno takmičenje na kojem se dodjeljuje priznanje najinovativnijim projektima privrednih i trgovačkih komora. Projekti prijavljeni za ovogodišnje takmičenje bili su prema ocjeni organizatora najraznovrsniji i najkonkurentniji u istoriji ovog takmičenja. Ukupno je prijavljeno 56 projekata lokalnih, regionalnih i internacionalnih komora iz 38 zemalja.

Na posebnim takmičarskim sesijama prezentirani su i ocjenjivani najbolji projekti, odnosno 20 projekata koji su ušli u finalni dio takmičenja. Ocjenjivače «Svjetskog takmičenja komora» činilo je 25 predsjednika lokalnih, regionalnih, državnih i transnacionalnih komorskih grupacija.

Takmičenje projekata komora se održavalo u kategorijama;

- najbolji programi razvoja vještina komore
- najbolji projekat razvoja članstva
- najbolji nekonvencionalni projekat za mala i srednja preduzeća
- najbolja međunarodna komorska saradnja
- najbolji projekat zemalja u razvoju

Zadnja kategorija je uvedena ove godine da bi se izrazilo priznanje izuzetnim rezultatima ostvarenim u radu komora u posebnom poslovnom okruženju. Izbor najboljeg projekta u ovoj kategoriji je bio iz 20 projekata finalista, odnosno iz najboljih 20 projekata u sve četiri kategorije zajedno.

Privredna komora Kantona Sarajevo je osvojila prvo mjesto u kategoriji «najbolji projekat zemalja u razvoju», dok se u kategoriji «najbolji projekat razvoja članstva» plasirala među pet najboljih komora svijeta.



71000 Sarajevo, La Benevolencija 8,
Tel. (00 387 33) 250 100, 250 101, 250 196, Fax: (00 387 33) 250 137, 250 139
www.pksa.com.ba, webmaster@pksa.com.ba

Priznanja su uručili direktor Svjetske komorske federacije - WCF i direktor Međunarodne trgovačke komore – ICC, uz prisustvo 1600 učesnika Kongresa.